

## POZIV ZA UČEŠĆE

### Poduzetnički bootcamp za žene - “Strong Woman, Strong Business”

Udruženje **Žene za Žene International** poziva žene koje imaju poslovnu ideju i žele napraviti prve korake u poduzetništvu da se prijave na program „Strong Woman, Strong Business – poduzetnički bootcamp”. Projekat „**Unapređenje poduzetništva žena iz ruralnih područja i lokalna ekonomska inkluzija**”, implementira Žene za Žene International u Bosni i Hercegovini, u partnerstvu sa organizacijom Empow’Her Global (Francuska), a sufinansiraju ga Vlada Švicarske i Francuska razvojna agencija (AFD).

Cilj ovog projekta je omogućiti ženama na području Zeničko-Dobojskog kantona da pokrenu, registruju i razvijaju održive poslovne aktivnosti koje generišu prihode, kroz kombinaciju poduzetničkih vještina, početnog kapitala, mentorstva i povezivanja sa tržištem.

#### KO SE MOŽE PRIJAVITI?


Poziv je otvoren za žene (starije od 18 godina) koje:

- Imaju poslovnu ideju i imaju jaku motivaciju da pokrenu vlastiti biznis;
- Imaju prebivalište i žele registrovati biznis na području općina koje su dio projekta Zeničko-dobojskog kantona (**Zenica, Zavidovići, Visoko, Breza, Dboj Jug, Kakanj, Maglaj, Olovo, Tešanj, Usora, Vareš, Žepče**).
- Spremne su učestvovati na obukama i aktivnostima projekta;
- Žele testirati svoju poslovnu ideju, pripremiti se za biznis i/ili registrovati vlastiti biznis u oblasti proizvodnje i usluga (izuzev trgovina prehrambenih proizvoda, proizvodnja i prodaja alkohola, duhanskih i srodnih proizvoda i pružanje usluga igara na sreću).

**Napomena:** Prednost imaju žene iz marginaliziranih i ranjivih grupa, žene sa invaliditetom, žene nezaposlene duže od godinu dana, pripadnice nacionalnih manjina, samohrane majke, mlade žene do 30 godina, žene starije dobi 50+ i žene iz ruralnih područja.

## ŠTA DOBIJATE?

Učešćem u programu dobijate sveobuhvatnu podršku za razvoj i pokretanje vlastitog biznisa kroz:

 **Intenzivni 9-dnevni program obuke** (raspoređen u dva mjeseca) gdje ćete steći teorijska i praktična znanja o: osnovama poduzetništva, finansijskom upravljanju, registraciji biznisa, marketingu i prodaji i održivom razvoju poslovanja

Uz stručne trenere, rad u inspirativnom okruženju i pokriveno troškove (hrana, osvježenje, materijali i prijevoz).

### **Priliku za finansijsku podršku**

Svaka učesnica dobija priliku da prezentuje ideje pred komisijom u takmičarskom dijelu za - do 5 mini grantova.

Najbolje poslovne ideje imaju mogućnost da osvoje male grantove za pokretanje biznisa, nakon uspješne registracije djelatnosti u **iznosu od 3.000 BAM do 5.000 BAM.**

### **Individualno mentorstvo**

Dobijate personaliziranu podršku: prije registracije – za razvoj i unapređenje poslovne ideje i nakon registracije – za vođenje biznisa, finansije i rast

### **Promocija i vidljivost vašeg rada**

Vaša priča i biznis biće predstavljeni kroz profesionalne fotografije, video sadržaj i online promociju, čime povećavate svoju prepoznatljivost i pristup tržištu.

 **Ovo nije samo edukacija – ovo je prilika da svoju ideju pretvorite u stvaran, održiv biznis.**

## KAKO SE PRIJAVITI?

Prijave se podnose **isključivo online** putem obrasca: [Prijavi se na program](#)

## ROK ZA PRIJAVU

**Rok za prijavu** na program Poduzetnički bootcamp za žene iz ruralnih područja - “Strong Woman, Strong Business” je **27.april 2026.**

## INFO SESIJE

U cilju boljeg informisanja, bit će organizirane info sesije u lokalnim zajednicama na kojima će se prezentirati detaljne informacije o pozivu, kriterijima i procesu selekcije.

### Info sesije će biti održane:

- 10.4.2026. - Kakanj u 13.00 sati (u sali općine Kakanj)
- 10.4.2026. - Visoko u 10.00 sati (u sali Gradske uprave Visoko)
- 14.4.2026. - Zavidovići u 12.00 sati (u velikoj sali Gradske uprave Zavidovići)
- 15.4.2026. - Zenica u 11.00 sati (u velikoj sali Zeničke razvojne agencije ZEDA)
- 20.4.2026. – Tešanj u 12.00 sati (u sali OV općine Tešanj)

Za sva pitanja ili dodatna pojašnjenja možete kontaktirati:  
Venesa Omerhodžić Klempić, Koordinatorica za poduzetništvo

✉ [venesa.klempic@zenezazene.ba](mailto:venesa.klempic@zenezazene.ba)

☎ 062 502 509

**Radujemo se vašoj prijavi!**

*Žene za Žene International djeluje vođena jednostavnom, ali snažnom idejom:*

*Kada žene imaju priliku, podršku i prostor da se razvijaju i djeluju, cijele zajednice postaju snažnije, ekonomije stabilnije i otpornije, a društvo pravednije i demokratičnije.*